

# Injabulo abasebenzi boMnyango weZemisebenzi yoMphakathi beqeda umjaho we-Comrades

**SANE KHUMALO – MBHENSE**

NgoLwesihlanu ziye- 9 kuNhlangulana wezi- 2017, iHhovisi leSifunda esiseNingizimu loMnyango Wezemisebenzi Yomphakathi KwaZulu-Natali, lasingatha umcimbi lapho lalibungaza khona abasebenzi balo abaphumelela ngokuvelele ukuqeda uMjaho obizwa nge-Comrades Marathon Race wezi-2017. Lona ngumjaho omdala kunayo yonke emhlabeni webanga elilinganiselwa kuma - 89 km onesibalo esikhulu sabasubathi ogijinywa minyaka yonke phakathi kwedolobha laseThekwini nelaseMgungundlovu.

Isiqalo kanye nesiphetho salo mjaho (ukusuka kwelinye idolobha kuyiwa kwelinye idolobha) kuyashintshana minyaka yonke. Lo mjaho uhlala uheha abasubathi bamazwe ngamazwe abaqhamuka emhlabeni wonke jikelele.

Kuyintokozo ukusho ukuthi abaphathi kanye nabasebenzi babone kukuhle ukuthi abasubathi abangabasebenzi ababebambe iqhaza kulo mjaho kufanele



Abasebenzi boMnyango weZemisebenzi yoMphakathi

babongwe –bamukelwe njengamaqhawe. Umcimbi waqala ngenkulumo eyethulwa nguNkz. Gelly Majola, owamukela bonke abasebenzi waphinda wachaza nenhloso yosuku. Wathi "lokhu kuwuphawu esikhombisa ngalo ukunibonga ngomsebenzi omuhle eniwenzile" Izingwazi ezangenela zaphinda zakwazi ukuqeda i-Comrades Marathon ngoMnuzane uThobuyise Mchunu, uMitch Levin

kanye noThobani Zuke. Ababili ababengenele okokuqala ngqa, uThobuyise kanye noThobani bobabili bakwazile ukuqeda umjaho yize babeqala ukuwungenela kowezi- 2017. Irekhodi elihle kakhulu ngelika Mnu. uMitch Levin obengenele waphinda wakwazi ukuqeda umjaho wakhe we- 11. Lokhu kwenzeka ngempela futhi kuliqiniso. Kulo mcimbi wokubungaza laba basebenzi

kwakuheleza umoya wenjabulo; kwakuculwa, kudaniwa futhi kuhalaliselwa abanqobi ngempumelelo yabo encomekayo. UMnu. uTholang Chakana owayekhulumela abaphathi wabonga abasubathi bobathathu ngokusebenza ngokuzikhandla.

"Okusemqoka ukuthi nikwazile ukuqeda umjaho ngalokho— ke sithanda ukunibongela, sinethulela isigqoko futhi siyanihalalisela "kusho uMnu Chakana.

Nakuba abantu bazi ukuthi ziningi izinselelo emijahweni efana neComrades, la madoda amathathu ayavumelana ngokuthi uMjaho weComrades Marathon wawumnandi kodwa udinga ukuthi uzilungiselele kahle futhi uphikelele.

Lo mcimbi wanikeza abasebenzi baseSifundeni esiseNingizimu ithuba lokuxoxisana nabasubathi kanye nokuthola umuzwa wokuthi kunjani ukuba yingxenye yalo mjaho omkhulukazi.

I-Comrades Marathon yowezi-2017 beyinabasubathi abalinganiselwa ezi- 17 000

abaqala umjaho ekuseni ngeSonto mhla zizi- 4 kuNhlangulana wezi-2017 e- Durban City Hall; kanti— ke balinganiselwa ezi- 13 000 abakwazi ukuqeda umjaho ngesikhathi esibekiwe samahora ayi- 12 eScottsville Race Course, eMgungundlovu. UMnyango Wezemisebenzi Yomphakathi uyazigqaja ngokuba nabasubathi (kubandakanya nalabo abangabaluliwe lapha) ababamba iqhaza kulo mjaho.

Impela lokhu kuyinselelo ebheke kubo bonke abasebenzi ukuba bakuthathele phezulu ukuphila ngokuzivocavoca.

Ukuthatha isinqumo sokugcina umzimba wakho uphilile kuyisinqumo esihle futhi akumele unake abakugxekayo ngaso.

Lokhu kuseyisiqalo nje. Sethembe ukuthi ngonyaka wezi-2018 bazokuba baningi abazobamba iqhaza emidlalweni enhlobonhlobo ngenhloso yokubeka uMnyango Wezemisebenzi Yomphakathi esicongweni "sabanqobi".